



Bosnia and Herzegovina
Federation of Bosnia and Herzegovina

CANTON SARAJEVO
Diaspora Office

Broj: 14-45-19478/26
Sarajevo, 17.04.2026. godine

Na osnovu člana 7. i 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 5. Odluke o osnivanju Fondacije „Zajedno sa dijasporom za jaču domovinu“ broj: 14-45-16317-11/25 od 10.10.2025. godine, člana 11. i 12. Statuta Fondacije „Zajedno sa dijasporom za jaču domovinu“ broj: 14-45-16317-12/25 od 10.10.2025. godine i člana 3. Odluke o standardima i kriterijima za izbor i imenovanje na pozicije predsjednika i članova Upravnog odbora Fondacije „Zajedno sa dijasporom za jaču domovinu“, broj: 14-45-16317-13/25 od 22.12.2023. godine, šef Ureda Vlade Kantona Sarajevo za dijasporu objavljuje:

JAVNI OGLAS

ZA IZBOR I IMENOVANJE PREDSJEDNIKA I ČLANOVA UPRAVNOG ODBORA FONDACIJE „ZAJEDNO SA DIJASPOROM ZA JAČU DOMOVINU“

1. Predmet Javnog oglasa

Objavljuje se Javni oglas za izbor i imenovanje predsjednika i dva člana Upravnog odbora Fondacije „Zajedno sa dijasporom za jaču domovinu“ (u daljnjem tekstu: Fondacija).

Opis pozicija:

Upravni odbor vrši kontrolu:

- a) sprovođenja Statuta i drugih akata Fondacije,
- b) sprovođenja programa i plana rada Fondacije,
- c) zakonitosti u oblasti finansijskog i materijalnog poslovanja Fondacije, sprovođenje odluka, zaključaka i drugih akata Fondacije.

Upravni odbor ima sljedeće ovlasti i obaveze:

- a) ostvaruje ciljeve Fondacije utvrđene u statutu,
- b) daje saglasnost za pravne radnje koje su preuzete u ime Fondacije prije njenog upisa u Registar fondacija Federalnog ministarstva pravde,
- c) upravlja imovinom Fondacije,
- d) vrši izmjene i dopune statuta uz prethodnu saglasnost Osnivača,
- e) imenuje lice ovlašteno za zastupanje i predstavljanje fondacije u svojstvu direktora Fondacije,
- f) imenuje lice ovlašteno za zastupanje i predstavljanje fondacije u svojstvu direktora u svrhu okončanja procedure upisa u Registar fondacija Federalnog ministarstva pravde, na period najduže do tri mjeseca,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 279-299
Web: <http://vlada.ks.gov.ba>, E-mail: dijaspora@vlada.ks.gov.ba

- g) donosi opće akte Fondacije,
- h) odlučuje o osnivanju podružnica van teritorije Bosne i Hercegovine uz prethodnu saglasnost Osnivača,
- i) odlučuje o pripajanju, razdvajanju, transformaciji i prestanku rada Fondacije uz prethodnu saglasnost Osnivača,
- j) prati i poduzima mjere na prikupljanju sredstava za ostvarivanje ciljeva Fondacije,
- k) donosi godišnji program rada i finansijski plan Fondacije, koje dostavlja Osnivaču,
- l) odlučuje o raspodjeli i upotrebi sredstava,
- m) odgovoran je za zakonito poslovanje Fondacije,
- n) priprema godišnji izvještaj o radu i utrošku finansijskih sredstava Fondacije, te druge izvještaje, koje dostavlja Osnivaču,
- o) donosi Poslovnik o svom radu,
- p) vrši druge poslove u skladu sa zakonom i statutom.

1.1. Postupak izbora predsjednika i članova Upravnog odbora, mandat i naknada za rad

Predsjednika i članove Upravnog odbora imenuje i razrješava Osnivač. Predsjednik i članovi Upravnog odbora imenuju se na period od četiri godine. Mandat počinje teći od dana stupanja na snagu rješenja o imenovanju. Kandidat za predsjednika ili člana Upravnog odbora ne može biti biran više od dva puta uzastopno. Predsjednik i članovi Upravnog odbora imaju pravo na naknadu za svoj rad, koja se utvrđuje u skladu sa važećim propisima.

2. Uslovi za pozicije

Svi kandidati moraju ispunjavati opće i posebne uslove.

2.1. Opći uslovi:

- a) da je državljanin Bosne i Hercegovine (dokaz: uvjerenje o državljanstvu);
- b) da je stariji od 18 godina (dokaz: izvod iz matične knjige rođenih);
- c) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- d) da se na tog kandidata ne odnosi član IX 1. Ustava BiH (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- e) da nije osuđivan za krivično djelo (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- f) da nije osuđivan za privredni prijestup nespojiv za dužnošću u Upravnom odboru, (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- g) da se protiv njega ne vodi krivični postupak, (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- h) da nije na funkciji u političkoj stranci, (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa);
- i) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i Zakona o prevenciji i suzbijanju korupcije u Kantonu Sarajevo („Službene novine Kantona Sarajevo”, broj: 35/22 i 44/22 i 55/22- Ispravka) (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa).



2.2 Posebni uslovi

Kandidat koji se imenuje za predsjednika ili člana Upravnog odbora, treba da ispunjava sljedeće posebne uslove:

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja koje se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja (dokaz: univerzitetska diploma)
- b) da ima najmanje pet godina radnog staža/iskustva u struci nakon sticanja univerzitetske diplome (dokaz: uvjerenje o radnom stažu u struci izdato od nadležnog organa za penzijsko i invalidsko osiguranje ili od strane poslodavca);
- c) da posjeduje sposobnost da savjesno, odlučno i odgovorno obavlja upražnjene pozicije,
- d) da posjeduje sposobnost nepristrasnog donošenja odluka,
- e) da posjeduje sposobnost upravljanja finansijskim resursima i naklonjenost timskom radu,
- f) da posjeduje komunikacijske i organizacijske sposobnosti,
- g) da nije član više od jednog upravnog ili nadzornog odbora ili drugog organa upravljanja u drugom organu ili instituciji (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa) i
- h) da nema privatni finansijski interes u Fondaciji (dokaz: izjava potpisana od strane kandidata i ovjerena od strane nadležnog općinskog organa ili notara, ne starija od dana objave ovog Javnog oglasa).

Prilikom izbora i imenovanja neće se vršiti diskriminacija prema bilo kome na temelju rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili postojanja osude za koju je izrečeno pomilovanje.

3. Kandidovanje

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Osnivač. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se ispuniti neposredno prilikom intervjua.

Nijedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje.

Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka ("Službeni glasnik BiH", broj 12/25).

Nakon intervjua, Komisija za izbor će predložiti rang - listu sa najboljim kandidatima odgovornom javnom službeniku na daljnje razmatranje.

4. Prigovor

U slučaju postojanja dokaza da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi Uredu Vlade Kantona Sarajevo za dijasporu, a kopija se dostavlja Ombudsmenu za ljudska prava Bosne i Hercegovine.



5. Sadržaj prijave kandidata i spisak potrebnih dokumenata

Kandidati su dužni, uz obaveznu popunjenu i potpisanu prijavu na ovaj Javni oglas i obaveznu potpisanu izjavu na propisanom obrascu, koje se nalaze na web stranici Ureda Vlade Kantona Sarajevo za dijasporu (<https://dijaspora.ks.gov.ba/>) priložiti biografiju i originalne dokumente ili ovjerene kopije dokumenata, koji su dokaz o ispunjavanju općih i posebnih uslova traženih oglasoin, u roku od 15 (petnaest) dana od dana posljednjeg javnog objavljivanja. Oglas će biti objavljen u "Službenim novinama Federacije BiH", dnevnom listu "Oslobođenje" i na web stranici Ureda Vlade Kantona Sarajevo za dijasporu web: <https://dijaspora.ks.gov.ba/>.

6. Potrebna dokumentacija

Kandidat je dužan priložiti sljedeće dokumente:

1. Prijavu,
2. Biografiju,
3. Uvjerenje o državljanstvu (original ili ovjerena fotokopija, ne starije od 6 mjeseci),
4. Izvod iz matične knjige rođenih (original ili ovjerena fotokopija),
5. Izjavu kandidata (potpisanu od strane kandidata i ovjerenu od strane nadležnog općinskog organa ili notara, ne stariju od dana objave ovog Javnog oglasa):
 - a) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije,
 - b) da kandidat i/ili njegov bliski srodnik nemaju poslovnu saradnju sa Fondacijom, a koja podrazumijeva novčanu naknadu, osim primanja po osnovu radnog odnosa kandidata,
 - c) da se na kandidata ne odnosi član IX.1. Ustava Bosne i Hercegovine,
 - d) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti Federacije Bosne i Hercegovine ("Službene novine Federacije BiH", broj 70/08) i Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj: 35/22, 44/22 i 55/22),
 - e) da nema privatni finansijski interes Fondaciji u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj: 35/22, 44/22 i 55/22),
 - f) da u trenutku podnošenja aplikacije na upražnjenu poziciju nije član više od jednog upravnog ili nadzornog odbora bilo kojeg pravnog lica (ustanove, privrednog društva, agencije, udruženja, fonda i sl.)
 - g) da daje saglasnost da Ured Vlade Kantona Sarajevo za dijasporu i Komisija za izbor po Javnom oglasu za izbor i imenovanje predsjednika i članova Upravnog odbora Fondacije „Zajedno sa dijasporom za jaču domovinu“ mogu obrađivati dokumente kojima se dokazuje njegov lični identitet shodno odredbama Zakona o zaštiti ličnih podataka ("Službeni glasnik BiH", broj 12/25),
 - h) da kandidat nije osuđivan za krivično djelo ili za privredni prestup i da se protiv njega ne vodi krivični postupak,
 - i) da kandidat nije na funkciji u političkoj stranci,
6. Univerzitetsku diplomu (original ili ovjerena fotokopija),
7. Potvrdu ili uvjerenje o radnom stažu/iskustvu u struci nakon sticanja univerzitetske diplome (original ili ovjerena fotokopija, izdato od nadležnog organa za penzijsko i invalidsko osiguranje ili od strane poslodavca),

Po okončanju postupka po Javnom oglasu Komisija se ne obavezuje vršiti povrat priložene



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 279-279

Web: <http://vlada.ks.gov.ba>, E-mail: dijaspora@vlada.ks.gov.ba

dokumentacije kandidata.

Napomena: Kandidati koji budu predloženi za imenovanje sa rang - liste sa najboljim kandidatima i koji ispunjavaju kriterije za imenovanje iz javnog oglasa, dužni su dostaviti uvjerenje da nisu osuđivani za krivično djelo (uvjerenje nadležnog MUP-a). Navedeno uvjerenje kandidat je dužan dostaviti u roku od 10 (deset) dana od dana utvrđenog prijedloga. Ukoliko predloženi kandidat ne dostavi traženo uvjerenje ili se utvrdi da ne ispunjava uslov po ovom osnovu, predložit će se sljedeći najuspješniji kandidat sa rang - liste sa najboljim kandidatima, koji je također dužan dostaviti traženo uvjerenje u roku od 10 (deset) dana od dana kada je predložen.

7. Ostale napomene

Prijave na Javni oglas sa svim traženim dokumentima se dostavljaju u zatvorenoj koverti lično na protokol Kantona Sarajevo ili poštom preporučeno na adresu: Ured Vlade Kantona Sarajevo za dijasporu - Komisija za izbor, Sarajevo, ul. Reisa Džemaludina Čauševića broj 1, prizemlje, uz naznaku na koverti: "Prijava na javni oglas za izbor i imenovanje predsjednika i članova Upravnog odbora Fondacije „Zajedno sa dijasporom za jaču domovinu” - NE OTVARAJ". Na poledini koverta navesti ime i prezime podnosioca prijave, adresu i kontakt telefon.

Obrazac prijave na Javni oglas i obrazac sa potrebnim izjavama moguće je preuzeti na web stranici Ureda.

Neblagovremene, nepotpune i neuredne prijave neće se uzeti u razmatranje.



